

# საქართველოს მთავრობის

## დადგენილება №68

2025 წლის 11 მარტი

ქ. თბილისი

„საჯარო სამართლის იურიდიული პირის – შემოსავლების სამსახურისა და საჯარო სამართლის იურიდიული პირის – სურსათის ეროვნული სააგენტოს მიერ ნებართვების გაცემის წესის, პირობებისა და სანებართვო მოწმობების ფორმების დამტკიცების შესახებ“ საქართველოს მთავრობის 2010 წლის 31 დეკემბრის №426 დადგენილებაში ცვლილების შეტანის თაობაზე

### მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „საჯარო სამართლის იურიდიული პირის – შემოსავლების სამსახურისა და საჯარო სამართლის იურიდიული პირის – სურსათის ეროვნული სააგენტოს მიერ ნებართვების გაცემის წესის, პირობებისა და სანებართვო მოწმობების ფორმების დამტკიცების შესახებ“ საქართველოს მთავრობის 2010 წლის 31 დეკემბრის №426 დადგენილებაში ([www.matsne.gov.ge](http://www.matsne.gov.ge), 11/01/2011, 340170000.10.003.016167) შეტანილ იქნეს ცვლილება და დადგენილებით დამტკიცებული „საჯარო სამართლის იურიდიული პირის – შემოსავლების სამსახურისა და საჯარო სამართლის იურიდიული პირის – სურსათის ეროვნული სააგენტოს მიერ ნებართვების გაცემის წესისა და პირობების“ დანართი №3 ჩამოყალიბდეს შემდეგი რედაქციით:

„დანართი №3

ფიტოსანიტარიულ კონტროლს დაქვემდებარებული მცენარეული წარმოშობის პროდუქცია იმპორტის დროს

| სეს ესნ კოდი                                                                                                                                          | დასახელება                                                                                                                                                                                                                     |
|-------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------|
| 1                                                                                                                                                     | 2                                                                                                                                                                                                                              |
| <b>ჯგუფი 06. ცოცხალი ხეები და სხვა მცენარეები; ბოლქვები, ფესვები და მცენარეების სხვა ანალოგიური ნაწილები; მოჭრილი ყვავილები და დეკორატიული ბალახი</b> |                                                                                                                                                                                                                                |
| 0601                                                                                                                                                  | ბოლქვები, ტუბერები, ტუბერისებრი ფესვები, ტუბერბოლქვები, ფესურები, განშტოებულის ჩათვლით, ვეგეტაციური სიმშვიდის, ვეგეტაციის ან ყვავილობის მდგომარეობაში; ვარდკაჭას მცენარეები და ფესვები, 1212 სასაქონლო პოზიციის ფესვების გარდა |
| 0602                                                                                                                                                  | დანარჩენი ცოცხალი მცენარეები (მათი ფესვების ჩათვლით), კალმები და გადანაწევნები, გარდა სოკოს მიცელიუმისა                                                                                                                        |
| <b>ჯგუფი 07. ბოსტნეული და ზოგიერთი საკვები ძირნაყოფები და ბოლქვნაყოფები</b>                                                                           |                                                                                                                                                                                                                                |
| 0701                                                                                                                                                  | კარტოფილი, ახალი ან გაცივებული                                                                                                                                                                                                 |
| 0702 00 000 00                                                                                                                                        | პომიდორი, ახალი                                                                                                                                                                                                                |
| 0703                                                                                                                                                  | ხახვი, თავიანი, ხახვი-შალოტი, ნიორი, პრასი და დანარჩენი ხახვისნაირი ბოსტნეული, ახალი ან გაცივებული                                                                                                                             |
| 0707 00                                                                                                                                               | კიტრი და კორნიშონები, ახალი                                                                                                                                                                                                    |
| 0713                                                                                                                                                  | პარკოსანი ბოსტნეული, ხმელი, დაჭურჭული, სათესლე, ქერქისაგან გაცილილი ან გაუცლელი, დამტვრეული ან დაუმტვრეველი                                                                                                                    |



|                                                                                                                                                                                 |                                                                                                                                                                                                                                                                                                              |
|---------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 0714                                                                                                                                                                            | მანიოკი, მარანთა, სალუპი, მიწის მსხალი, ანუ ტოპინამბური, ტკბილი კარტოფილი, ანუ ბატატი და სხვა ანალოგიური ძირნაყოფები და ბოლქვნაყოფები სახამებლის ან ინულინის მაღალი შემცველობით, ახალი, გაცივებული, გარდა გაყინული ან ხმელი, მთელი ან დაჭრილი პატარა ნაჭრებად ან გრანულების სახით; საგოს პალმის ნაყოფის გული |
| <b>ჯგუფი 08. საკვებად ვარგისი ხილი და კაკალი; ციტრუსების კანი ან ნესვის ქერქი</b>                                                                                               |                                                                                                                                                                                                                                                                                                              |
| 0805                                                                                                                                                                            | ციტრუსები, ახალი                                                                                                                                                                                                                                                                                             |
| 0806                                                                                                                                                                            | ყურძენი, ახალი                                                                                                                                                                                                                                                                                               |
| 0807                                                                                                                                                                            | ნესვი (საზამთროს ჩათვლით) და პაპაია, ახალი                                                                                                                                                                                                                                                                   |
| <b>ჯგუფი 10. მარცვლოვნები</b>                                                                                                                                                   |                                                                                                                                                                                                                                                                                                              |
| 1001                                                                                                                                                                            | ხორბალი და მესლინი                                                                                                                                                                                                                                                                                           |
| 1002                                                                                                                                                                            | ჭვავი                                                                                                                                                                                                                                                                                                        |
| 1003                                                                                                                                                                            | ქერი                                                                                                                                                                                                                                                                                                         |
| 1004                                                                                                                                                                            | შვრია                                                                                                                                                                                                                                                                                                        |
| 1005                                                                                                                                                                            | სიმინდი                                                                                                                                                                                                                                                                                                      |
| 1007                                                                                                                                                                            | სორგო მარცვლოვანი                                                                                                                                                                                                                                                                                            |
| <b>ჯგუფი 11. ფქვილ-ბურღულეული მრეწველობის პროდუქცია; ალაო; სახამებელი; ინულინი; ხორბლის წებოვანა</b>                                                                            |                                                                                                                                                                                                                                                                                                              |
| 1101 00 სასაქონლო სუბპოზიციიდან – ხორბლის ფქვილი:                                                                                                                               |                                                                                                                                                                                                                                                                                                              |
| 1101 00 150 00                                                                                                                                                                  | რბილი ხორბლისა და სპელტისაგან                                                                                                                                                                                                                                                                                |
| 1101 00 110 00                                                                                                                                                                  | მაგარი ხორბლისაგან                                                                                                                                                                                                                                                                                           |
| 1104 სასაქონლო პოზიციიდან                                                                                                                                                       | ქერის მარცვალი, დამუშავებული სხვა ხერხით (მაგალითად, დაჭურჭული, გაბრტყელებული, გადამუშავებული ფანტელებად, დატეხილი, დაროშილი ან დამსხვრეული), ქერის მარცვლის ჩანასახები, მთლიანი, გაბრტყელებული, ფანტელების სახით ან დაფქული:                                                                                |
| 1104 19 610 00                                                                                                                                                                  | გაბრტყელებული                                                                                                                                                                                                                                                                                                |
| 1104 19 690 00                                                                                                                                                                  | გადამუშავებული ფანტელების სახით                                                                                                                                                                                                                                                                              |
| 1104 29 040 00                                                                                                                                                                  | დაჭურჭული, დაწეკილი ან დაუწეკავი, დამსხვრეული ან დაუმსხვრეველი                                                                                                                                                                                                                                               |
| 1104 29 050 00                                                                                                                                                                  | დატეხილი                                                                                                                                                                                                                                                                                                     |
| 1104 29 080 00                                                                                                                                                                  | დანარჩენი                                                                                                                                                                                                                                                                                                    |
| <b>ჯგუფი 12. ზეთოვანი მცენარეების თესლები და ნაყოფები; დანარჩენი თესლები; ნაყოფები და მარცვალი; სამკურნალო მცენარეები და მცენარეები ტექნიკური მიზნებისათვის; ჩალა და ფურაჟი</b> |                                                                                                                                                                                                                                                                                                              |
| 1204 00                                                                                                                                                                         | თესლი სელისა, დაუმსხვრეველი                                                                                                                                                                                                                                                                                  |
| 1205                                                                                                                                                                            | თესლი რაფისა, ანუ კოლზისა, დაუმსხვრეველი                                                                                                                                                                                                                                                                     |



|                                                                                      |                                                                                                                                                                                                                                                                                                                                                                                                 |
|--------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1206 00                                                                              | თესლი მზესუმზირისა, დაუმსხვრეველი, დაუჭურჩავი, მოუხალავი ან რაიმე სხვა მეთოდით მოუმზადებელი                                                                                                                                                                                                                                                                                                     |
| 1207                                                                                 | თესლი და ნაყოფები სხვა ზეთოვანი კულტურებისა, დაუმსხვრეველი, დაუჭურჩავი, მოუხალავი ან რაიმე სხვა მეთოდით მოუმზადებელი                                                                                                                                                                                                                                                                            |
| 1209                                                                                 | თესლი, ნაყოფი და სპორები სათესად                                                                                                                                                                                                                                                                                                                                                                |
| 1211-დან                                                                             | შემდეგი მცენარეების ყვავილის მტვერი: ყვავტყემალა (Amelanchier Med.), იაპონური კომში (Chaenomeles Lindl.), ვაშლანა (Cotoneaster Ehrh.), კუნელი (Crataegus L.), კომში (Cydonia Mill.), იაპონური ზღმარტლი (Eriobotrya Lindl.), ვაშლი (Malus Mill.), ზღმარტლი (Mespilus L.), ჩიტავეშლა (Pyracantha Roem.), მსხალი (Pyrus L.), თამელი (Sorbus L.) და ფოტინია დევიდსონის (Photinia davidiana (Dcne.)) |
| <b>ჯგუფი 23. კვების მრეწველობის ნაშთები და ნარჩენები; შხა საკვები ცხოველებისთვის</b> |                                                                                                                                                                                                                                                                                                                                                                                                 |
| 2302*                                                                                | ანაცერი, ქატო და სხვა ნარჩენები, მიღებული პურეული მარცვლოვნების ან პარკოსანი კულტურების მარცვლის დაფქვის, გაცრის ან სხვა მეთოდით გადამუშავების შედეგად, არაგრანულირებული ან გრანულირებული                                                                                                                                                                                                       |
| <b>ჯგუფი 44. მერქანი და მისი ნაწარმი; ხის ნახშირი</b>                                |                                                                                                                                                                                                                                                                                                                                                                                                 |
| 4401                                                                                 | სათბობი ხეტყე, მორების, კუნძების, როკების, ფიჩხის კონების ან ანალოგიური სახით; ნაფოტი ან ბურბუშელა; ნახერხი და ხის ნარჩენები, აგლომერირებული ან არააგლომერირებული, მორების, ბრიკეტების, გრანულების ან ანალოგიური სახით                                                                                                                                                                          |
| 4403                                                                                 | ხეტყის მასალა დაუმუშავებელი, ქერქიანი, უქერქო ან ნაქურთვნი, ან ტლანქად დამელვილი ან დამელვის გარეშე                                                                                                                                                                                                                                                                                             |
| 4404                                                                                 | მერქანი საკასრე; მორები დაპობილი; ხის ხიმინჯები, სარები და ბომები, წამახული, მაგრამ სიგრძე დაუხერხავი; ხეტყის მასალა ტლანქად გათლილი, მაგრამ გაუჩარხავი, გაულუნავი ან სხვა წესით დაუმუშავებელი, გამოსაყენებელი ხელჯოხების, ქოლგების, ინსტრუმენტების სახელურების ან ანალოგიური ნაწარმის დასამზადებლად; მერქანი ქერქგაცილი და ანალოგიური                                                          |
|                                                                                      | ხის შპალები რკინიგზის ან ტრამვაის ლიანდაგებისათვის, გაუქლუნთავი                                                                                                                                                                                                                                                                                                                                 |
| 4406 11 000 00                                                                       | -- წიწვოვანი ჯიშების                                                                                                                                                                                                                                                                                                                                                                            |
| 4406 12 000 00                                                                       | -- არაწიწვოვანი ჯიშების                                                                                                                                                                                                                                                                                                                                                                         |
| 4407                                                                                 | ხეტყის მასალა გასწვრივ დახერხილი ან დაპობილი, შრეებად გაყოფილი ან შპონახდილი, გარანდული ან გაურანდავი, გახეხილი ან გაუხეხავი, ტორსული შეერთების მქონე ან არმქონე, სისქით 6 მმ-ზე მეტი.“.                                                                                                                                                                                                        |
|                                                                                      |                                                                                                                                                                                                                                                                                                                                                                                                 |

## შენიშვნა:

1. სეს ესნ-ის 1101 00 110 00 და 1101 00 150 00 სასაქონლო ქვესუბპოზიციებში კლასიფიცირებულ ხორბლის ფქვილზე, 1104 19 610 00, 1104 19 690 00, 1104 29 040 00, 1104 29 050 00 და 1104 29 080 00 სასაქონლო ქვესუბპოზიციებში კლასიფიცირებულ ქერსა და 2302 სასაქონლო პოზიციაში კლასიფიცირებულ ქატოზე ნებართვა წარედგინება საქონლის თავისუფალ მიმოქცევაში გაშვების პროცედურაში (იმპორტში) დეკლარირებისას.

2. ნებართვა არ ესაჭიროება:

ა) არაუმეტეს 200 კილოგრამის ოდენობის სეს ესნ-ის 1101 00 110 00 და 1101 00 150 00 სასაქონლო ქვესუბპოზიციებში კლასიფიცირებულ ხორბლის ფქვილს, 1104 19 610 00, 1104 19 690 00, 1104 29 040 00,



1104 29 050 00 და 1104 29 080 00 სასაქონლო ქვესუბპოზიციებში კლასიფიცირებულ ქერსა და 2302 სასაქონლო პოზიციაში კლასიფიცირებულ ქატოს;

ბ) თავისუფალ ინდუსტრიულ ზონაში ხორბლის გადამუშავების შედეგად მიღებულ ფქვილს, ქატოს ან/და სეს ესნ-ის 1003 სასაქონლო პოზიციაში შემავალი ქერის გადამუშავების შედეგად მიღებულ სეს ესნ-ის 1104 19 610 00, 1104 19 690 00, 1104 29 040 00, 1104 29 050 00 და 1104 29 080 00 სასაქონლო ქვესუბპოზიციებში კლასიფიცირებულ საქონელს;

გ) სეს ესნ-ის 1101 00 110 00 და 1101 00 150 00 სასაქონლო ქვესუბპოზიციებში კლასიფიცირებულ ხორბლის ფქვილს, 2302 სასაქონლო პოზიციაში კლასიფიცირებულ ქატოს ან/და 1104 19 610 00, 1104 19 690 00, 1104 29 040 00, 1104 29 050 00 და 1104 29 080 00 სასაქონლო ქვესუბპოზიციებში კლასიფიცირებულ ქერს, მათზე გაცემული პრეფერენციული წარმოშობის სერტიფიკატის EUR.1 ან წარმოშობის დეკლარაციის საფუძველზე საგადასახადო შეღავათის გამოყენების შემთხვევაში.

3. სეს ესნ-ის 1101 00 110 00 და 1101 00 150 00 სასაქონლო ქვესუბპოზიციებში კლასიფიცირებულ ხორბლის ფქვილზე, 1003 და 1104 19 610 00, 1104 19 690 00, 1104 29 040 00, 1104 29 050 00 და 1104 29 080 00 სასაქონლო ქვესუბპოზიციებში კლასიფიცირებულ ქერსა და 2302 სასაქონლო პოზიციაში კლასიფიცირებულ ქატოზე ნებართვის გამცემი ორგანოა ეროვნული სააგენტო.

4. \*სეს ესნ-ის 2302 სასაქონლო პოზიციაში შემავალი საქონლიდან ნებართვა ესაჭიროება მხოლოდ ქატოს.“.

## **მუხლი 2**

დადგენილება ამოქმედდეს 2025 წლის 1 აპრილიდან.

**პრემიერ-მინისტრი**

**ირაკლი კობახიძე**

